

## Okuyalım

"Peygamberimiz Efendimize Dair" başlıklı hilye-i şerifi paylaşarak okuyunuz.

OKUMA  
METNİ 12

## پیغمبریمز أفندیمره دائر

مبارك جسمی گوزل، هیپ اعضاسی متناسب؛  
آلنی، گوگسی، ایکی اوموزلرینک آراسی و  
آووجلری گنیش، بوینی اوزون و موزون و گوموش  
گی صاف، اوموزلری، یازولری و بالدیملری  
ایری و قالین ایدی؛ بیلکلی اوزون، یارماقلری  
اوزونجه، آللری و یارماقلری قالینجه ایدی. مبارک  
قارنی گوگسیله برابر اولوب شیشمان دگلدی؛  
آیاقلرینک آلتی چوقور اولوب دوز دگلدی.  
اوزونه قریب، اورته بویلی، ایری کمیکلی، ایری  
گوگدهلی، گوچلی قوتلی ایدی. نه ضعیف نه  
سمیز، بلکه ایکیسی اورته سی و صیق آتلی ایدی؛  
مبارک جلدی ایسه ایپکدن یوموشاقدی. کمال  
اعتدال اوزره بویوک باشلی، هلال قاشلی چکمه



بورونلی، آز دگرمی چهره لی ایدی. کیریپیکلری اوزون، گوزلری قره و گوزل  
ایدی. قاشنک آراسی آچیق فقط قاشلری بربرینه قرییدی. چاتیق قاشلی دگلدی،  
ایکی قاشنک آراسنده بر طمار واردیکه وقت غضبه قاباروب گورونوردی.  
أزهرُ اللُّوْ ایدی؛ یعنی نه آق نه ده قره یاغیز، ایکیسی اورته سی و گل گی  
قرمزیه مائل بیاض نورانی برّاقدی. مبارک یوزنده نور لمعاً ایدردی. گوزلرینک  
آقنده دخی آز قرمزلیق واردی. دیشلری اینجی گی آبدار و تابدار اولوب سویلرکن  
اوڭ دیشلرندن نور صاچیلیور، گولرکن فَم سعادتی بر لطیف شیمشک گی نور  
صاچارق آچیلییوردی.

صاچلری نه پک قیویرجق نه پک دوزدی. صاچلرینی اوزاتدیغی وقت قولاقلرینی  
گچردی. صاقالی صیق و تامدی، اوزون دگلدی، بر طوتامدن زیاده سنی آیردی.  
عالم بقایه رحلت بویوردقلرنده صاچی صاقالی هنوز آغارمغه باشلایوب، باشنده  
بر آز و صاقالنده یگرمی قدر بیاض قیل واردی.